

Quando imperator Romanorum, rex Francie et rex Anglie, archiepiscopus Raven-
nas, archiepiscopus Pisanus, episcopus Veronensis ad Terram recuperandam
sanctissimam perrexerunt.^c

CAP. CII.

Postquam autem multorum relatione Romanus pontifex [A] hæc omnia didicit,
omnibus orthodoxæ fidei cultoribus scribere procuravit, hortans et in remissione
omnium peccatorum injungens, ut Terræ sanctissimæ succurrere quam citius labo-
rent; ad cujus admonitionem [a], et aliorum prædicationem imperator Romanus (84),
rex Francie, rex Anglie, archiepiscopus Ravenas, archiepiscopus Pisanus, epi-
scopus Veronensis, Crucis signum sancte levantes, et alia beneducenda millia Chri-
stianorum, licet non uno tempore, transfretaverunt. Cum autem civitas Tyri multitu-
dinem Christianorum capere non valuisset, ipsi cum cautela civitate relicta, Acri fere
per biennium (85) obsederunt. Quos quidem Saladinus semper obsidere non destitit,
habens secum L millia equitum [b] et ccc millia peditum [c].

Quando imperator Fredericus perrexit ad Terram
sanctam recuperandam.

CAP. CIII.

Anno igitur Domini MCLXXXVIII, commendato imperio Henrico suo filio, in mense
Aprilii in die sancti Georgii ad prædictam Terram recuperandam imperator iter incepit,
ducens secum triginta millia equitum, et sexaginta millia peditum. Perrexit ergo per
Hungariam, Rossiam [d], Commeniam [e], Blachiam, Drogoniam [f], Romaniam,
Turchiam. In his [g] itaque regnis omnibus, cum feris et barbaris nationibus infinita
et maxima commisit prælia. Cum autem per gratiam Dei jam esset in principatu
Antiochiæ, quasi in porta salutis, ut suo placuit Creatori, in fluvio qui dicitur
Ferrum (86), sanctissimam Omnipotenti Deo reddidit animam. Post cujus finem glo-
riosum Conradus [h] ejus filius, dux Suaviæ, partem exiguum exercitus quæ reman-
serat [i] ducere cœpit; perierat enim major pars totalis et magni exercitus in de-
sertis magnis et asperis, in præliis multis et maximis, in locorum multorum captione

[a] ad cujus admonitionem. Sic lego cum C. V.; ad cujus amonitionem, C. M. — [b] secum L millia
equitum, C. M.; secum quinquaginta millia equitum, C. V. — [c] et ccc millia peditum, C. M.; et tre-
centum millia, C. V. — [d] Rossiam. Sic C. V.; Rosiam, C. M.; an legendum Russiam? — [e] Com-
meniam. Sic C. M.; Comminiam, C. V. — [f] Blachiam, Dragontiam, C. M. In C. V., Drorentiam —
[g] In his. Sic lego. In C. M., in hiis. — [h] Conradus. Sic C. M.; Curadus, C. V. — [i] Quæ remanse-
rat, C. V.; qui remanserat, C. M., ex recensione Cl. Mitt.